



Pressemelding

20.08.2021

For mange utan lærepass – verksemder må sikre seg lærlingar no

556 søkerar har ikkje fått seg lærepass i Vestland fylke. Det skjer samtidig som behovet for arbeidskraft er stort.

Arbeidslivet i Vestland fylke har meldt inn eit behov for om kring 600 fleire lærlingar.

Det er størst utfordringar med å skaffe læreplassar i desse faga: helsearbeidarfag, barne- og ungdomsarbeidarfag, industriteknologifag, elektrofag og byggeteknikk.

Avhengig av fleire fagarbeidrarar

– Eg håpar at lærebedriftene no er om seg og sikrar seg lærlingane dei treng. Vi er avhengige av fleire fagarbeidrarar framover, og den beste fagutdanninga skjer i dei gode lærebedriftene våre. Ved å ta inn lærlingar får bedriftene også høve til å sikre seg gode medarbeidrarar i framtida, seier Karianne Torvanger, som er hovudutvalsleiar for opplæring og kompetanse.

Det er ei gledeleg auka interesse blant ungdom for å velje praktiske yrke. Søking til yrkesfaglege utdanningsprogram har dei siste åra auka. I år vel 56 prosent av søkerane ei yrkesfagleg opplæring, mot 54 prosent i fjar.

Kvifor får ikkje alle lærepass?

– Det er fleire årsaker til at mange ikkje har sikra seg ein lærepass. Søkar har eit ansvar sjølv å skaffe seg lærepass, men akkurat no tenker eg at lærebedriftene òg må sjå nøye på om dei kan bidra til at fleire får ein lærepass. Søkar må også vere villig til å reise dit læreplassane er, seier Roger Pilskog, som leiar yrkesopplæringsnemnda i Vestland fylkeskommune.

3332 har søkt til lærepass i fylket, og 556 står framleis utan lærepass. Mange opplæringskontor og lærebedrifter ynskjer seg fleire lærlingar, men søkerane bur ikkje alltid der læreplassane er. Likevel er det behov for fleire lærebedrifter i heile fylket.

Mange fordelar ved å vere lærebedrift

Nye lærebedrifter gir ofte tilbakemelding om at dei hadde blitt lærebedrift tidlegare om dei hadde vore klar over fordelane i lærlingordninga. Bedriftene får som lærebedrift økonomisk tilskot og får sjansen til sikre seg og lære opp gode medarbeidrarar for framtida.

Kontaktpersonar

Karianne Torvanger, leiar for hovudutval for opplæring og kompetanse, 99 60 64 84

Roger Pilskog, leiar for yrkesopplæringsnemnda, 92 09 12 81